

habuerit in radice, uel reuolutione, accident nato anxietates & poenæ pro fratribus, & amicis suis tristitias habebit, ad loca extranea ibit, & si fuerit receptus, diriguntur, & prosperantur res istæ.

Saturnus cum Sole corporaliter iunctus in reuolutione, si habuerit aliquod ex prædictis testimonijs in radice, uel reuolutione, significat quòd habebit impedimenta ex parte regis, & per anxietates transibit, habebit rixas, & iurgia cum mulieribus, & pro eis tristitias, infirmabitur infirmitatibus calidis, de quibus metum habebit, & si non infirmabitur, habebit iurgia & rixas, & aliqua de eius mulieribus morietur, & si uixerit pater eius, morietur forsitan illo anno, & perdetur eius dominium, si habuerit illud.

Si uenerit Saturnus in reuolutione ad locum Veneris radice, significat quòd natus ibit itinera, & minuetur eius libido in amore & coitu mulierum, Si aptus fuerit ad habendum filium, habebit illum illo anno, capiatur amore.

Saturnus in reuolutione si uenerit ad locum Mercurij radice, minuetur intellectus nati, faciet iter, si filios habuerit tristitiam habebit de ipsis, exponet se periculis, & rebus de quibus metum habebit, loquetur fabulas quæ sibi damnum inferent, eius mercatura, & magisteria damnabuntur.

Saturnus in reuolutione ad locum Lunæ radice ptingens, damnū in mulieribus significat, uel cadet ab alto. In hoc aspice etiam ad Lunā in quo fuerit signo, quia si fuerit in angulo, accident ei damna, & labores de natura signi in quo fuerit Luna. Si fuerit humanum, erit damnum ab hominibus, Si de forma animalium, erit damnum ab eis, Si in forma bestiarum, erit à beluis, Si in Scorpione, erit à reptilibus ferentibus, Si in Cancro, uel Piscibus, erit à reptilibus aquarum, uel ipsorum occasione, & damnabitur regnum, & dominium eius, si illud habuerit. Et si Luna fuerit in ascendente radice, fortem infirmitatem habebit, de qua erit in periculo, & timore.

De reditu Iouis.



VANDO Iupiter peruenerit in reuolutione ad locum in quo fuit Saturnus in radice, seruantur significationes Iouis, & minuuntur malæ significationes Saturni, & aptantur, & erit de bona uoluntate, lege, & credulitate, & in suis negocijs, ac petitionibus fortunatus, bonum habebit à suis amicis, & eius inimici fient amici ipsius, & perquirent amicitiam & amorem eius.

Iupiter in reuolutione recurrens ad locum suum radice, renouat, & adducit bonum quod significauit in radice, habebit lucra, & substantiam à parte, qua non sperabit, nec suspicabitur natus.

Si uenerit Iupiter in reuolutione ad locum Martis radice, natus faciet itinera, & bonum ex eis habebit, euenient ei lucra, & utilitas ex parte itinerum, & locorum extraneorum, ac regum, & hominum armigerorum. Si aptus fuerit, habebit forte filium illo anno, & ipsius fratres bonum habebunt, aut illi quos tenet loco fratrum.

Iupiter in reuolutione ad locum Solis radice recurrens, uel si fuerit combustus, & Iupiter habuerit testimonium in radice natiuitatis, uel reuolutione, aut in signo applicationis, natus erit in periculo mortis, donec transeat combustionem, uel donec transeat Sol gradum applicationis, aut gradum ascendens reuolutionis, & si hoc transierit, euadet, & accidet ei metus ex parte regis, & abscondet se ab eo, accident ei infirmitates ex calore, à suis parentibus bonum habebit, uel ab eis qui sunt ei loco patrum. Et si Iupiter in hoc fuerit orientalis, significat magnam fortunam.

Si fuerit Iupiter in reuolutione ad locum Veneris radice reuersus, accidet infirmitas sibi, & damnatio complexionis, eius corpus macrescet, ascendet in precij, & ualor